

KENYATAAN MEDIA



KEMENTERIAN PERDAGANGAN DALAM NEGERI DAN HAL EHWAL PENGGUNA
No. 13 Persiaran Perdana, Presint 2,
62623 Putrajaya

No. Telefon : 03-8882 5562
No. Fax : 03-8882 5569

PROGRAM JUALAN KELUARGA MALAYSIA KINI DI PUTRAJAYA

PUTRAJAYA, 18 Disember 2021 – YB Datuk Seri Utama Tengku Adnan Tengku Mansor, melakukan *walkabout* Program Jualan Keluarga Malaysia (PJKM) di Presint 9, Putrajaya pada hari ini. Penganjuran PJKM pada minggu ini dilaksanakan serentak di 177 Parlimen di seluruh negara.

2. Pelaksanaan PJKM yang dikendalikan oleh Kementerian Perdagangan Dalam Negeri dan Hal Ehwal Pengguna (KPDNHEP) diadakan sebagai inisiatif Kerajaan untuk membantu meringankan kos sara hidup rakyat terutamanya dari kalangan berpendapatan rendah.

3. Program ini merupakan kerjasama di antara KPDNHEP, Kementerian Pertanian dan Industri Makanan (MAFI) dan Kementerian Kewangan Malaysia (MOF) serta agensi-agensi di bawahnya dan rakan-rakan strategik dari sektor pemborong dan peruncitan dalam menangani situasi kenaikan harga barangan yang melanda dunia dan Malaysia.

4. Program ini juga dirancang untuk dilaksanakan dua kali sebulan untuk tempoh 3 bulan bermula 4 Disember 2021 hingga Mac 2022 merangkumi kesemua 222 kawasan parlimen di lokasi-lokasi yang akan ditentukan dan diumumkan kelak.

5. PJKM menawarkan pilihan kepada pengguna untuk mendapatkan pelbagai barangan keperluan harian dengan harga sehingga 20% lebih rendah daripada harga pasaran setempat. Antara barang-barang yang dijual semasa program ini adalah:

- i. Ayam;
- ii. Ikan;
- iii. Telur;
- iv. Sayur-sayuran;
- v. Minyak masak;
- vi. Gula;
- vii. Tepung;
- viii. Beras; dan
- ix. Barangan yang telah diproses

6. Agensi Kerajaan dan Rakan Strategik dari kalangan pemain industri yang terlibat dalam PJKM di Putrajaya ini adalah:

- i. i. Lembaga Pemasaran Pertanian Persekutuan (FAMA);
- ii. ii. Persatuan Nelayan Kebangsaan (NEKMAT);
- iii. iii. Pertubuhan Peladang Kebangsaan (NAFAS);
- iv. iv. Legasi Z Sufi;
- v. v. MyDIN;
- vi. vi. Aeon Big; dan
- vii. vii. Lotus's

7. PJKM diharap dapat menjadi pemangkin kepada masyarakat pengguna untuk merancang pembelian dan membuat pilihan yang bijak bagi mengurangkan bebanan perbelanjaan isi rumah.

8. KPDNHEP mengingatkan kepada semua peniaga agar sentiasa beretika mematuhi peraturan dan undang-undang yang ditetapkan Kerajaan. Kerajaan menyeru agar rakyat bersabar dan terus bersama kerajaan dalam waktu sukar yang luar biasa ini yang turut melanda dan memberi kesan kepada rantai bekalan dunia dan negara.

9. Pegawai Penguat Kuasa KPDNHEP akan terus melaksanakan pemantauan dan pemeriksaan bagi memastikan bekalan sentiasa stabil dan tiada elemen pencatutan dalam pasaran.

10. Untuk sebarang pertanyaan dan maklumat lanjut atau penyaluran aduan, orang ramai khususnya boleh lakukan ke talian whatsapp di 019-279 4317, Portal Aduan; e-aduan.kpdnhep.gov.my atau melalui email ke e-aduan@kpdnhep.gov.my.

**Kementerian Perdagangan Dalam Negeri dan Hal Ehwal Pengguna
Putrajaya, 18 Disember 2021**

LATAR BELAKANG

Kementerian Perdagangan Dalam Negeri dan Hal Ehwal Pengguna (KPDNHEP) ditubuhkan pada 27 Oktober 1990. Matlamat penubuhan kementerian adalah untuk menggalakkan pembangunan perdagangan dalam negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkapi dan ke arah self-regulated, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam berurusanniaga, dan hasilnya adalah negara yang seimbang dari segi ekonomi dan sosial.

Agensi-agensi di bawah KPDNHEP:

